



Moderamen
GBKP

Ibadah Keluarga



Minggu
07 Juni 2020

1. Persikapanen

- Kerina anggota jabu pulung ibas sada ingan/ruangen. Persiapkan Pustaka Sibadia ras perlengkapen sidebanna.
- Adi lit anggota jabu si beluh ermusik, banci mengiringi ende-enden pujin.
- Tentukan petugas ibas kebaktin keluarga enda.
- Adi lit ende-enden silenga ieteh, banci isambari alu ende-enden sidebanna.

2. Rende “Mari Masuk” (ibabai Anak jabu)

Mari masuk, mari masuk, masuk hatiku ya Yesus

Datang s'karang, datang tinggal dalam hatiku ya Yesus

In to my heart, into my heart, come in to my heart Lord Jesus

Come in today, come in stay, come into my heart Lord Jesus

*lagu dapat diganti dan disesuaikan

3. Ertoto Guna Renungen (ibabai Bapa jabu)

4. Renungen (ibabai Nande jabu)

Ogen : 1 Samuel 12:20

Tema : Pekitik Kebiaren Pebelin Kinitengeten.

Mbiar nandangi piga-piga hal e manusiawi ntah pe biasa. Lit kalak mbiar magin, mbiar kena virus, mbiar lalit senna, mbiar lalit temanna, mbiar la seh sekolah anak-anakna, ras mbue denga kebiaren sidebanna. Tapi kebiaren e banci salih lanai biasa saja tapi luar biasa dikune ibas kebiaren e kita putus asa lalit pengarapenta.

Sijahat siilakoken Bangsa Israel eme Bangsa enda nilah ibas Tuhan nari janah nembah man gana-gana Baal ras Astarte. Gelah mulihken ia nembah man Tuhan isuruh Tuhan me Gideon kenca bage Barak, jenari Jepta janah kedungenna Samuel, kerina ia ipake Tuhan guna engkelini bangsa Israel, tapi tetap denga bangsa enda la setia. Ngidah pemindon Samuel man Tuhan gelah ibereken Tuhan lenggur ras udan ibas musim perlego sijadi tanda bangsa enda enggo erdosa ntah lahang, emaka pertoton Samuel pe isehken Tuhan, reh me lenggur ras udan. Jenari erkadiola kel Bangsa enda emaka ipindokenna man Samuel gelah ertoto ia guna keselamatan bangsa e janah enggo iakukenna kerina kesalahenna.

Nina Samuel ibas ayat 20 ula kam mbiar, aminna gia nggo ibahanndu perbahanen sijahat e, ula kam nilah ibas Tuhan nari, tapi sembahlah IA alu bulat ukurndu. Bageme kepe kegeluhenta paksa enda, persoalen reh pegancih-gancih si maun-maun erbahanca turah kebiarenta. Tapi arah renungen enda perlu kita kerina metenget maka kerina pagi erdalan alu mehuli adi sipehaga Tuhan, sisembah IA, sibegiken kataNa, ras sipatuhi kerina perintahNa. Labo man pebelinenken kebiarenta tapi mari sipebelinla kinitengetenta. Sabab arah kita metenget pe enda gambaran maka kita kalak si erpengarapen man Tuhan, reh gia percuban tapi tetap lit pengarapen.

Kinitengetenta paksa enda banci sidalanken arah ketutusenta matuhi protocol kesehaten, labo mpebelin kebiaren. Kebiaren si mesangat mpeturah kinilabeluhenta rukur alu mehuli, adi lanai beluh kita rukur mehuli pastilah kurang gegehta/staminanta, adi enggo kurang gegehta/staminanta pastilah nukah terserang pinakit jadi kebiaren simbelin e arus sipekitik janah sipebelin kinitengetenta, kalak simetenget eme kalak si megiken kata ajar, kalak simegiken kata ajar eme kalak si nggit berubah ku simehuli, kalak si nggit berubah kusimehuli eme kalak si ngena ate Tuhan. Kalak singena ate Tuhan eme kalak siijagai Tuhan seh rasa lalap. Kalak sierkiniteken tetap metenget.

5. Ertoto Kenca Renungen (ibabai Nande jabu)

6. Rende KEE. 270:1,3 “ Ermengkah ras Ertoto” (ibabai Anak jabu)

Ermengkah ras ertoto, em keg'luhen si payo Bas Kristus k'riahenta, meteruk ukurta.

Reff. : Ibas senang ntah susah, kecibal geluhta

Pujilah Tuhan kataken bujur, alu bulat ukur.

Kai kin erti geluhta, 'di la muji Dibata

Kita enggo itebus, alu dareh Kristus.

Reff. : ...

*lagu dapat diganti dan disesuaikan

7. Pertoton Syafaat

Anak : Notoken orangtua, ras seisi jabu

Nande : Notoken kerna Inganta tading, Bangsa, Gereja.

Bapa : Notoken kerna tim medis, pasien Covid-19, ras keluarga si tading ndauh ras kita

8. Rende KEE. 360 “ Ibas Tuhan Aku Megegeh” (ibabai Bapa jabu)

Ibas Tuhan aku megegeh, Tuhan me ku pujiken.
Tuhan me jadi gegehku, ibas IA lit kesenangan
Ibas IA lit kesenangan. } 2X

*lagu dapat diganti dan disesuaikan

9. Pertoton Tuhan (ibabai Bapa jabu)